

E no a drenta politica pa probecha financiero menos ainda material **Pader Rudy Lampe ta nenga a cobra e 'daggeldvergoeding' di 250 dollar**

“No ta tur cos cu bo tin derecho riba dje kier men cu e ta husto. Mi a biaha pa Corsow pa atende como representante di pueblo di Aruba e Conferencia Rondo di 26 di November ultimo. Mi a keda sin haci uso di mi derecho riba ‘daggeldvergoeding’ di 250 dollar, pasobra e no ta husto pa abusa di placa di pueblo. Mi a biaha mainta y bolbe bek anochi, no ta hustifica e suma aki pa gastonan personal durante un dia cu bo ta pasa den reunion. Mi gastonan personal tabata minimo cu mi mes a paga pa muestra pueblo cu no ta tur hende ta drenta politica pa probecha di pueblo”, asina Pader Rudy Lampe, lider di fraccion di partido RED a duna di conoce, dunando ehempel cu si por, si bo kier yuda spaar e pais aki di mas malgastamento di placa. “Mi payslip cu e salario como Parlamentario ta keda entrega awe na periodistanan durante e conferencia di prensa di RED p’e keda publica, mi no tin nada di sconde. Mi a ricibi di salario den mi man, Afl. 5,619 (cinco mil seis cien y diez nueve florin). Di esaki 10% ta bai pa partido RED, e otro suma ta bai den un fondo apart. Loke bin aserca di representatiekosten, etc. lo bai pa un fundacion ‘in oprichting’. Mi no a haci uso di e package paga di uso di telefon pa Parlamentarionan”, según Pader Rudy Lampe. E ta biaha diarazon awor dia 30 di November 2005, pa atende un seminario cu ta tuma lugar denter di un encuentro di Parlatino na Sto. Domingo. “Mi mes ta paga mi pasashi pa atende e reunion aki di Parlamentarionan, copia di mi recibo ta keda entrega awe tambe na periodistanan durante e rueda di prensa di RED. Mi mes lo paga mi gastonan di hotel y tur otro gasto relaciona cu e biaha aki. Diadomingo, 4 di december 2005, mi ta bek na Aruba”.

Den cuadro di celebracion di 25 aña di Reinado di Su Mahestad Reina Beatrix Parlamento di Aruba a keda invita pa un recepcion y su persona lo biaha pa Hulanda medio December 2005. Su pasashi ta keda paga dor di Hulanda. Si Hulanda no a ofrece pa paga lo e no a biaha pa Hulanda. Hulanda ta paga e pasashi, di e 4 lidernan di fraccion y di Presidente di Parlamento. Fraccion di RED a defende cu e delegacion aki ta suficientemente representativo pa Aruba. Ta AVP y MEP a exige pa 6 Parlamentario mas biaha, tres di MEP y tres di AVP riba gasto di pueblo di Aruba. Increibel con haragan MEP y AVP ta pa probecha di placa di pueblo. Fraccion di RED ta spera cu pueblo ta haya confianza bek den politica, ora e ta mira cu su persona no a drenta